



16. august 2024

UKA 2024/121

Inatsisartut ingerlatsinermut maleruagassaanni § 33 tunngavigalugu matumuuna isummerfigisassatut ima siunnersuuteqarpugut:

**Meeqqat immikkut pisariaqartitsisut piaarnerusumik kinaassusersillugillu misissorneqartarnissaat qularnaarniarlugu perorsaanikkut tarnikkullu siunnersuisarneq (Misi/PPR) eqqarsaatigalugu kommunit suleqatigalugit nunamut tamarmut najoqqutassianik pilersitseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaqaq Anna Wangenheim, Demokraatit)

### **Tunngavilersuut**

Perorsaaneq Tarnillu pissusiisigut siunnersuisarfiup pitsaassusaa pullavialu kommunimiit kommuunimut annertuumik allanngorarpoq. Allanngorarnerup taassuma kingunerisinnaasarpaa meeqqanut immikkut pisariaqartitsisunut tapersersuinerup allanngorarnera, atugarissaarnissaannut ineriartornerannullu pitsaanngitsumik kinguneqartarluni.

Nuna tamakkerlugu malittarisassaqaqannginnera peqqinnissaqarfimmi aamma naammassisaqarsinnaanermut pitsaanngitsumik pilersitsivoq aammalu tarnip pissusaanik immikkoortortaqaqarfimmut misissortinnissamut utaqqinernut sivitsorsaataalluni. Tusartuarparput, soorlu assersuutigalugu tarnip pissusaanik immikkoortortaqaqarfimmut misissortinnissaq utaqqinartuullunilu angujuminaattartooq ilaqutariippassuarnut meerartalinnut, naalliunnartumik utaqqinartarmat. Taamaattorli tusartarparput, tarnip pissusaanut immikkoortortaqaqarfimmut misissuisartunut appakaassimagaanni misissortinneq passunneqarnerlu sukkasuumik pitsaasumillu ingerlanneqartartooq.

Demokraatit taamaattumik kissaatigaat, meeqqat, inuunerissaanngitsut, maannamiit sukkanerusumik ikiorserneqartarnissaat. Tamanna kissaatigaarput pissasoq, nuna tamakkerlugu MiSi/PPR tunniussinnaasaannut assigiimmik malittarisassiornikkut atuutilersitsinikkullu, kommunit tamarmik malitassaannik. Malittarisassat meeqqat immikkut pisariaqartitsisut sumiissusersinissaannut nalilersornissaannut atorneqassapput, aammalu siunnersuinermut aqutissiuussinermullu ilaqutariinnut meerartalinnut atuarfinnullu pitsaassutsimut atorneqassallutik.

Anguniagaq ilaatigut atuarfiup peqqinnissaqarfiullu ataqatigiinnerata pitsanngorsarnissaanut siunertaavoq, MiSi/PPR, atuarfiit peqqinnissaqarfillu siammasissumik meeqqat inuunerissuunissaannut ineriartornerannullu pitsaasumik toraagaqarnissamik, taassuma inuunerissuunissaat tamakkiisumik pitsanngorsaatigissammagu.

Nuna tamakkerlugu MiSi/PPR-imut malittarisassat atuutilersinnerisa malitsigissavaat pitsaassutsip qaffannera aammalu tapersersuinerup, meeqqanut immikkut pisariaqartitsisunut qaffassarnera. Tamanna meeqqanut taakkulu ilaqutaannut attuumassuteqartuinnarnut iluaqutaanani, aammali peqqissutsimut-ilinniartitaanermullu ataqatigiinnerulersitsissaaq.



Tamanna tunngavigalugu neriutigaarput, Naalakkersuisut Inatsisartunilu partiit allat siunnersuummut tapersiinissaat.

**Pisortanut aningaasatigut allaffissornikkullu kingunissai**

Nuna tamakkerlugu atuuttussanik malittarisassiornissamut atasumik aningaasartuuteqassaaq. Taakkuli atorfilittap ukiumut akissarsiaasa 500.000 koruunit qaangerneqarnissaat naatsorsuutigineqanngilaq.

**Namminersorlutik inuussutissarsiuteqartunut aningaasatigut allaffissornikkullu kingunissai**

Soqanngilaq.

**Innuttaasunut aningaasatigut allaffissornikkullu kingunissai**

Soqanngilaq.